

طاهر بك مكتبخانه سی

نظام التثانیة

مدافعه

محرری :

جزایر بحر سفید والیسی

عابدین

طابع و ناشری :

معلومات و ثروت غزته لری صاحب امتیازی

السید محمد طاهر

—•••••—

معارف نظارت جلیله منک رخصتیه

—•••••—

دارالخلافه العلیه


ن ۳۹۹

مطبعة طاهر بك — باب عالی جاده سی نوسرو ۴۰





دولتو عابدین پاشا حضرت تری



مکاتیب

«مصرده» الاجوبة القرآنية على الاسئلة المسيحية ،
ناميله عربى المباره بر رساله طبع اولمشدر . رساله
مذكوره قرآن عظيم الشان عليهنده بولمقى مقصد
خائنه سياه قلمه آلتوب نشر ايدلمشدر . بوكا بر رديه
يازمق اوزره عاجز لينه اشعار واططار اولنديغندن
دين مابين محمدى اوغورنده بويله بر خدمت شرفنى
كال تشكرله قبول ايدوب بلطفه تعالى اشبور رديه نك
تحريرينه مبادرت ايلرم .

رساله مذكوره فهرستنده كورادىكى اوزره اون
فصلدن عبارت اولوب برنجيسى — قرآن عظيم الشانك
نورات ايله انجىلى تصديق ايتمى ، ايكنجيسى —
كتاب مقدسه مؤمنينك ايمان ايتلى وجوبى حكم
قرآندن اولمى ، اوچنجيسى — انجىلك عدم نسخى

و آنگاه بدل و حیک بولنامسی ، دردنجیسی — قرآن
 عظیم الشان ایله مسیح ، بشتجیسی — قرآن
 عظیم الشان ایله فخر کائنات ، آلتنجیسی — قرآن
 عظیم الشانده ، حاشا ، تقیضینک اجتماعی ، بدنجیسی —
 قرآن عظیم الشانک تاریخ ایله مناقضه سی ،
 سکزنجیسی --- کندی نفسنده قرآن عظیم الشانک
 حاشا مناقضه سی ، طموزنجیسی — قرآن عظیم الشانده
 حاشا خرافاتک وجودی ، اوننجیسی --- قرآن
 عظیم الشان واحادیث شریفه حقنده بعض بیاناتی و رساله
 مؤلفنک دین مبینی ترک ایچون اهل اسلامه ایتدیکی تشویقاتی
 حاویدر. ایشته رساله مجوئه نك مباحث ملعنکارانه سی
 بونلردن عبارتندر .

اهل اسلامك مانند سمای مظهر آشکار اولان
 ایمان و اعتقادلری غایت عالی اولوب حب حبیب کبریا
 ایله هر بر قطره سی باران رحمتدن پاك اوله رق
 دوکیلان کوز یاشی بوکبی. سواد کفر بنیادی
 انسانیتدن محو وازاله ایده جنکی بدیهیدر . بناء علیه
 اصحاب عقل و عرفان نزدنده بویله شیلرک هیچ بر
 تأثیری اوله ماز . بلکه باله کس بر فائده سی واردرکه
 اوده دین مبین احمدی علیهنده بولناب اصحاب شقاوتک
 عمی وحق و جهالتنی مجسم صورتده ارا نه ایتمش اولور.
 مع مافیه سنده دلاندن نیکده برینک بلکه بعض

مرتبہ ترددینی موجب اولور . ملازمہ سیلہ بوردیہ نک
تحریرینی مناسب عد ایلدم .

رسالہ مجوئہ نک صاحبی رسالہ نک ابتدائندہ
تورات وانجیلی تصدیق ایدیجی بر چوق آیات بینات
درج ایلور . فسبحان! مادام کہ قرآن عظیم الشان
رسالہ صاحبک ادعائنجہ ، حاشا منبج خرافات
وسہویاتدر . اول حالہ دین عید۔ وینک قدسیتنی
اثبات ایچون فصل اولیورده قرآن عظیم الشانک
شہادتہ وآیات بیناتہ مراجعت ایلور ؟ ! تعریفانہ
قیام ایدن رسالہ مؤلفنی بویله بر سہوہ ، بویله بر
خطای عظیمہ دوش۔ ورمک ایچون مطلقا آرزوی
روحانیت جناب احمدی شرف واقع اولمشدر .
یوقہ عقل ومنطقہ مخالف ومباین بویله عجیب وغریب
بر ادعادہ بولمقدن ، تعریفلہ برابر بویله بر موقعی
اختیار ایتمکدن مجنونلر بیله حجاب ایدرلر . بناء علیہ
رسالہ نک برنجی بحثی ایچون دیہ جک بر شیشمز وار
ایسہ جناب حقہ تشکر وتمدت ایتمکدرکہ دشمنان بیله
دینلرینی تصدیق املیلہ قرآن عظیم الشانک شہادتہ
مراجعته مجور اولیورلر . رسالہ نک املا وعبارہ جہ
پاک چرق سہویاتی وؤلغنک جہایلہ لسان سرہبہ عدم
وقوفدن نشأت ایلایکشدن سہویاننک نتیجی
زائد عد اولندی .

ایکنجیسی — قرآن عظیم الشان کتب مقدسه به
 اینسانق ایچون امر ایلر دنیله یور . بوده جای بحث
 اولیوب قرآن عظیم الشانک علویتله متناسب بر امر
 ربانیدرکه انزال اولنان کتب مقدسه به ایمان ایتک
 مقتضای دین احمدیدندر . شو قدرکه اهل اسلامک
 ایمان وتصدیقنه امر اولندقلری کتب مقدسه انبیای
 ذیشان نازل اولان کتب مقدسه اولوب اما بو نام
 جلیل القدر آلتنده یکدیگرینه مخالف ومباین اولق
 اوزره حضرت عیسی علیه السلامدن بر چوق سنه لر
 صکره یازیلان یوزکسور کتاب بزم تقدیس ایلدیگمز
 کتب مقدسه اولدینی کون کبی آشکاردر . همده بزم
 تعریضاتمزه نه حاجت ! عیسویلرک رهبان و علماسی بیله
 بونلری جرح ایله نهایت بر چوق مباحثاتدن صکره
 انجیل نامیله یالکیز درت کتاب قبول ابتدیلر . قبول
 اولنان درت کتابک دخی یکدیگرینه نه قدر مباین
 اولدینی و حضرت عیسی علیه السلامدن بر چوق سنه
 صکره یازلدینی تصدیق کرده عامدر ؛ همده میدانده در .
 شبهه ایدن اولورسه بونلری بر قاج کون مطالعه
 ایلدیکی کبی 'حقیقت حالی تصدیقه مجبور اولور .

اوچنجی فصل انجیلک عدم نسخی و آکا بدل
 وحیک بولنامسی بیساننده اولوب صاحب رساله
 بو ادعاسنی اثبات ایچون درج ایلدیکی آیات بینات

مقصود دینی اثبات اہم کدن بشقہ قرآن عظیم الشانہ ایمانی اسرا بدر . قرآن عظیم الشان ایسہ فخر کائنات افندہ مزہ شرف نازل اولدیغندن قرآنک وجودی آیات کریمہ سنہ مغایر اولان احکام ماضیہ نک تبدیلیہ دہا اول نازل اولان کتب مقدسہ احکامک نسخی بالطبع اثبات اہمک اولور . مع مافیہ پک چوق احکام اساسیہ وارد رکہ آنلر ہیچ بر وقت نسخ اولماز وتغیر ایلز ، مثلاً اجرای عدالت ، منع فساد ، صدقہ ویرمک ، جناب حقہ عبادت ایلک ، بغیر حق سفک دما دن اجتناب ایلک کبی احوال ہیچ بر وقت تغیر پذیر اولیوب ہمیشہ باقی اولدینی اسرا جلیدر . بناءً علیہ بو اساس کتب مقدسہ دہ موجود اولدینی کبی قرآن عظیم الشانہ دخی اسرا اولنمش و بونک ایچون نسخ وتبدیلدن مصون بولنشد . مع مافیہ قرآن عظیم الشانہ مدح اولسان زبور وتورات وانجیل یعنی کتب مقدسہ احکامی جاری اولدقلری زمانہ عائد اولوب قرآن عظیم الشان شرف نازل اولدقدہ آیات و بیناتنه مخالف اولان احکام ماضیہ نک نسخ اولدینی درکاردر . زیرا اسکی زمانلرک بعض احوال و حوائجی سرور زمانلہ تغیر پذیر اولدینی وارستہ ایضا حدر .

رسالہ صاحبک دردنجی فصلی حضرت عیسانک

قرآن عظیم الشانده تسدیقیدر . بوکا کیم تعریفی ایدر .
 بالعمکس حضرت عیسانک رسالت و نبوتنی تصدیق
 ایتمیان کیمسه نک مؤمنین و مسلمیندن معدود اولدینی
 درکاردر . شو قدرکه ابنه و یا حاشا بالذات اه
 دیوب حضرت عیسی علیه السلام اهل اسلام افترا
 ایتمکدن تحاشی ایلر . بنهء علیه بو فصل حقنده
 تفصیل مقال ایتمک زائددر . شو قدر علاوه
 اولنورکه قرآن عظیم الشانده سرور ایدن انبیای
 ذیشان ورهل کرامک بحق مدح و تقدیس اولنسی
 بر حقیقتی تبیین ایچون اولوب یوقسه بو ثنار
 زمانلرنده کی احکامک الآن بقاسنه اصلا دلالت ایتمز .
 ننه کیم وقتیلہ ترک حیات ایدن افاضل ثنا اولندیغندن
 حکملرینک الآن نافذ اولدینی خاطره بینه کتیرلر .
 بشنجیسی فخر کائنات علیه افضل التحیات افتدمن
 حقنده در . صاحب رساله « وما کان لنبی ان یأتی الخ »
 آیت کریمه سی ودها بعض آیات پیدات ابله شونی
 اثبات ایتمک ایسترکه اذن اه اولینجه فخر کائنات آیت
 کتیرمکه و اظهار معجزه یه مقتدر دکلدر .
 نه شبهه وارکه اذن خدا اولینجه هیچ بر پیغمبر
 معجزه اظهارینه و هیچ بر شی اجراسنه مقتدر اوله ماز .
 فقطه جای دقت نقطه بودرکه فخر کائنات افتدمنه
 اذن خدا یک جوق دفعه اظهار معجزه یه شرفنا